

ACARA je zadužena za izradu Australijskog nastavnog plana i programa od prvih temelja do 12.

2008-2010

Izrada Australijskog nastavnog plana i programa od prvih temelja do 10. razreda sada je kompletirana za:

- engleski
- matematiku
- prirodne nauke
- istoriju

Ova područja učenja mogu se naći na web stranici Australijskog nastavnog plana i programa.

Tokom 2011-2012 se i dalje se radi na izradi nastavnih planova i programa iz ovih područja za završne razrede srednje škole.

2011-2012

Počela je izrada Australijskog nastavnog plana i programa od prvih temelja do 12. razreda za:

- geografiju
- jezike
- umjetnost

2011-2013

Budući razvoj Australijskog nastavnog plana i programa od prvih temelja do 12. razreda biće usmjeren na preostala područja učenja, utvrđena Melburnškom deklaracijom obrazovnih ciljeva za mlade Australijance (Melbourne Declaration on Educational Goals for Young Australians) iz 2008. godine.

U to je uključen fokus na:

- ekonomiju i poslovanje
- nauku o građanskim pravima i dužnostima i državljanstvo
- zdravstveno i fizičko obrazovanje
- dizajn i tehnologiju

Melburnška deklaracija (Melbourne Declaration) se može pronaći na web stranici MCEECDYA-e

www.mceecdya.edu.au

Za više informacija o Australijskom planu i programu

(Australian Curriculum) posjetite

www.australiancurriculum.edu.au

Australijski nastavni plan i program

Pregled



MCEECDYA

Ministarsko vijeće za obrazovanje, razvoj u ranom djetinjstvu i pitanja omladine

acara AUSTRALIAN CURRICULUM,
ASSESSMENT AND
REPORTING AUTHORITY

Za više informacija o ACARA-i, posjetite www.acara.edu.au
ili pošaljite e-mail ACARA-i na info@acara.edu.au.

O Australijskom nastavnom planu i programu od prvih temelja do 10. razreda

Australijsko tijelo nadležno za nastavni plan i program, ocjenjivanje i izvještavanje (Australian Curriculum, Assessment and Reporting Authority /ACARA/) odgovorno je za razvoj nacionalnog plana i programa na nivou svjetske glase koji će svim australijskim učenicima predstavljati inspiraciju i izazov.

Australijski ministri obrazovanja su se obavezali da će Australijski nastavni plan i program od prvih temelja (prve godine školovanja) do 12. razreda biti izrađen i primijenjen najprije iz područja engleskog jezika, matematike, prirodnih nauka i historije, a nakon toga iz geografije, umjetnosti, jezika, a zatim i iz svih drugih obrazovnih područja.

Australijski nastavni plan i program od prvih temelja do 10. razreda pripremljen je za engleski jezik, matematiku, prirodne nauke i historiju i može se naći na www.australiancurriculum.edu.au.

Rad na Australijskom nastavnom planu i programu za učenike završnih razreda srednje škole iz područja engleskog jezika, matematike, prirodnih nauka i historije je u toku, a daljnje konsultacije su planirane za 2012. godinu.

Zašto se izrađuje Australijski nastavni plan i program?

Kvalitet obrazovanja mladih Australijanaca je presudan za produktivnost i kvalitet života u Australiji. Izrada Australijskog nastavnog plana i programa je opredjeljenje svih australijskih država i teritorija da zajednički izrade nastavni plan i program za mlade Australijance, koji će biti na nivou svjetske klase.

Australijski nastavni plan i program će jasno dati do znanja roditeljima, nastavnicima i učenicima šta mladi ljudi trebaju učiti i kakav se kvalitet učenja očekuje od njih, bez obzira koju školu pohađaju u Australiji.

Kako se piše Australijski nastavni plan i program?

ACARA je prikupila najveće talente iz cijele Australije, među kojima su nastavnici, stručnjaci za nastavni plan i program i stručnjaci iz pojedinih predmeta, da izrade nacrt Australijskog nastavnog plana i programa. Oni koji su zaduženi za pisanje nastavnog plana i programa imaju u svom radu pomoć savjetodavnih grupa, koje se sastoje od niza stručnjaka, među kojima su stručnjaci iz područja pojedinih predmeta i učenja, stručnjaci za pojedine faze školovanja i članovi koji imaju ekspertizu na području jednakosti i raznolikosti.

U kritičnim tačkama tokom procesa pisanja, okupljeni stručnjaci i zainteresirane strane iz cijele zemlje zajednički iznose svoje mišljenje i stavove.

Šta je Australijski nastavni plan i program?

Australijski nastavni plan i program određuje šta svaki učenik u Australiji treba učiti iz područja učenja, općih sposobnosti i prioriteta unutar cijelog nastavnog plana i programa.

Ključni elementi nastavnog plana i programa su opisi sadržaja i standardi koje treba postići, organizirani u pojedinim područjima učenja. Opisi sadržaja specificiraju šta se očekuje da će nastavnici predavati. Standardi koje treba postići opisuju šta učenici obično mogu razumjeti i raditi dok napreduju kroz svoje školovanje.

Australijski nastavni plan i program daje primjere koji ilustriraju svaki opis sadržaja, koji se zovu razrade. Primjeri učeničkih radova ilustriraju standarde postignutih rezultata.

Australijski nastavni plan i program je prikazan na internetu na www.australiancurriculum.edu.au da bi se omogućilo svim stanovnicima Australije da vide šta se kroz nastavu uči u cijeloj zemlji. Nastavni plan i program na internetu također pomaže nastavnicima u cijeloj zemlji u planiranju i razmjeni informacija i resursa.

Kako se vi možete uključiti u daljnje konsultacije?

Više od 30.000 zainteresiranih grupa i pojedinaca dalo je doprinos u izradi prva četiri područja učenja, odgovorivši na nacrtne verzije nastavnih planova i programa od prvih temelja do 10. razreda.

Najjednostavniji način kako se može iznijeti mišljenje za sljedeću fazu izrade plana i programa je posjetiti web stranicu Australian Curriculum i odabrati "consultation".

Tu možete pročitati, pregledati, učitati ili odštampati bilo koji ili sve nacрте Australijskog nastavnog plana i programa, kako koji bude spreman. Na ovoj web stranici pojedinci i grupe mogu također popuniti anketu putem interneta i iznijeti svoje mišljene.

Za svaku fazu izrade nastavnog plana i programa, ACARA organizuje forume i javne informativne sastanke u pojedinim državama, teritorijama i nacionalno, za koje se šalju pozivi. Neke države i teritoriji mogu organizovati svoje sastanke u svrhu konsultacija. Za više informacija o procesu konsultacija posjetite <http://www.acara.edu.au/curriculum/consultation>

Gdje možete naći više informacija o ovome?

Web stranica Australian Curriculum (www.australiancurriculum.edu.au) sadrži nastavni plan i program, kao i linkove za često postavljana pitanja (FAQs) i informativne materijale.

Web stranica koju ima ACARA (www.acara.edu.au) sadrži i dokumente s općenitim informacijama i prateću dokumentaciju..